

勿水菴

山



張言字慎言號金銘陽城人萬曆三十八年進士出任壽張知縣

天啟出督畿輔屯田言天津靜海典濟後南京吏部尚書掌右

都御史事崇禎十七年京師陷五月福王自立於南京命慎

言理部事務又明朝一進歸隱士卒年六十有九



勺水菴詩集



金銘 張慎言著



禹型 張克儉輯

開士 郭新訂

黃門行爲楊給事季雨作



黃門青瑣有貧士試問貧者誰之子每每見君
窮徹骨衣冠海內無廉恥我田尚饒半并餘柰

勺水菴詩集

一

何君僅倍餘夫莠驕糞少蕪不治蕭條歲晏惱
妻孥江陽明珠禹氏玉朝鮮文皮吳綺縠達官
此物何克物君家瓶盎無儲粟粒米狼籍秋價
廉羞索囊中鮮半緡三月四月踊莫比笑君二
斗用千錢貪賈三之廉賈五稽貯居奇子權母
本富爲上末次之君前不敢道斯語今之君子
何其才剖符綰綬甫歸來頓忘飯藿羹藜味甲

第田園晨旦開煮海鑄山猶未足睥睨鄉里堪
魚肉孤嫠之先多餒鬼頃來每向秋郊哭世人
皆黷君豈愚却看此輩真蠅蛆當今尊主富民
者傍徨舍子其誰與家不肥兮神不瘠我獨欽
子神克實富兒世上翻顛額日弄牙籌鑽李核
世人走富我諂貧我與君皆天放民粉蠹宿生
原帶腐縹緲終日噉香芸薦紳先生都似子百

勺水菴詩集

二

穀生兮黃金死彌縫衰晚向羲農吁嗟滿世誰
語此 聖明乃有貧諫臣粧點清朝良足矣

遣悶戲作

乾坤真浩蕩今古實冥漠么膺寄微軀滄海一
毫末我貧何足憂妻孥煩叫聒幾載食爾貧妾
莫爾臺閣爾官今已矣我願何時豁東鄰暨西
舍所事都撐達粲粲鳳啣珠鬢脣胡曄曄煌煌

鱗出水波濤繡曲折疑皆若鬼工否則鮫宮出
夫子亦爲官入眼無此物我實命不同敢笑良
人拙無柰親戚大所事不寬綽金銀如蜂蠆到
手怕幸螫莞爾謝德耀蜉蝣歌掘閱我懷良鬱
紆未敢畢鄙說徃者人暴殄天怒斯降割我家
尚未貧我又恥干謁冬亦自輕溫夏亦足絺葛
食亦有兼味尚未厭藜藿不記荷戈時萬里戍

勺水菴詩集

三

積雪陰森墨松林胡騎常撒烈有夫生九首有
鬼却一腳單車儻遇此爾我便永訣當其未戍
時緹綺候逮綫楊左已糞粉妻兒難叫闕

生死在人手性命由掣曳當日倖偷生其我共
饑渴 聖恩真廣大目今猶苟活四方事格

鬪天地尙流血 至尊且罪已減膳而徹樂
家世受 國恩至死愧忝竊作法况在涼祖

德懼我薄荆妻固轉圜遽爾劇懽悅往者怨買
臣茲且謝與缺瞥見妻子喜頓覺世界濶且復
策我杖東臯陟峻嶸青天無片雲萬里胡寥濶
病中有省

謬數世間人不宜病者五負有大經濟舉世仰
如母有懷在明發菽水懽萊舞自食其力者升
合求何苦否則有大德叔季賴之古兼具福與

勺水菴詩集

四

慧絕嘏儔能伍嗟哉不肖軀邁邀何須數偃蹇
且支離在世如駢拇爾既不用世世亦安用汝
徒爾費饗殮醜劣難覩縷儻在少壯時拙尚用
勤補蹉跎今老矣覩焉羞稷黍爾苟報無恙病
合當誰與自視下農夫老嬾愧風雨何況大福
德塞默無可舉只合牀蓐間承受癰與疽庶此
謝造物不敢道痛楚

經方伯李西谷先生喬梓故第

已矣涕洟安所從。易齋先生宜母黨嗟哉遺澤念其

宗。庖中犬尚前餘肉。廡下人誰今借春。子孫蕩

榱桷百年雲作拱。詩書三世子為傭。為傭甚且

無由得溝壑。相將泣夜菴。

又

喬梓喜蟬聯。相看寧幾年。貽謀開甲第。留眼到

勺。水菴詩集

五

曾玄譜牒憐香火

絲綸守墓阡。後來居此

者。瓜瓞定綿綿

又

燕翼垂千禩。兒孫鮮半椽。閣連星可摘。壁鑄鐵

為堅。當日無今想。他時似此年。願言諸長者。物

類尚相憐

花朝臥病

偃蹇誰堪與作緣
頃來別領一山川
花時晴雨何超忽
穀旦煙雲亦便娟
貧儉世翻從我古
蕭條地轉向人偏
却妨孤傲招時忌
病喜浸尋花鳥前

春仲望前招楊沁湄諸君子看花是日雨雪

今年春色蚤相過
闌入嘉平十日多
寒晚雪將

勺水菴詩集

六

梅共舞雨遲鳩引燕同歌
好花隨意春分付疎
酌因循政不苛
垂領亞枝傷底事
當時童冠竟如何

又

往者蕭條門未開
喜君攜我踏青苔
花情各領春
淡淡鳥韻輕隨風
去來雪日澹柔山
自永灌煙秀靚渚
仍洄壽張頃刻能
爲勾一雨羣情靜

不猜

穀雨日作

離離洞影漾新晴戴勝來時桑葉青氣至身先
花作候辰芳雨喜穀爲名汀餘水照釀空碧峯
半雲開落曉英蒼帝署余爲掌記聊書節物寄
餘生

立夏前一日聞鶯

勺水菴詩集

七

平旦朱明方欲迴應期不後不先來寢園擬薦
櫻桃候花事方將芍藥開啼月杜鵑胡太苦求
明鷓旦孰爲催鳩林好雨新晴後倩爾丁寧勸
酒杯

暘月行

春光強半仍蕭索鶯花繾綣更相約今年上巳
芍藥開暗逗朱明人不覺病月纔過維夏初積

暉如水人如魚身遊遙瑤空青裡愴此多心不
可居一月徬皇四氣齊四時之氣具而微涼不
薄肌暄不灼芳淑清妍各有之吾儕蒸德合如
此高明沉潛良有以喜不毗陽怒毗陰平粹冲
夷神所喜有如初古至成周天地文章舒且留
前者鬱勃後大盡沆瀣清晨畜欲流斯夕斯晨
肯閉門紛紜氣候變朝昏情文覲面如恐失聲

勺水菴詩集

八

影香光誰吐吞清機躍躍仍軋茁沉吟惆悵徒
騷屑何以荅之我心結僭當改此爲暢月

泊園良夜月頗多狀徃曾有作今年春再
逢徃夕又爲歌行以暢之

孤光勃宰臨蔥蒨澄湖蘋藻波文變物象紛綸
不可誤有如臨風閱吹萬松月扶疎花月倩檻
月闌珊臺月緬篠月靈幽蘿月幻相彼雨雪先

維霰桐月蔽虧荷月艷遙隔湘簾窺婉孌青蒼
一縷煙如練有風自南柔且善行坐徙倚渾未
厭敝體告勞情不勑釋婢癡童伸且欠清朝追
賞煩鉛繫聊書時日告親串

病

澹然守吾病黽勉偃東扉病至消諸想衰臨省
積非書堪常自掩春但任將歸萬法回應爾觀

勺水菴詩集

九

生悟所依

晴晚

峯陰晴自轉灘響遍新聞暝色搖殘霽輕風送
倦雲句艱遲後押鴉晚失前羣積靄將開處蒼
蒼見月垠

泊園坐月

待月無須待其滿纖如新水流清淺婉孌傍皇

心與房澹澹微瀾何靜遠偃仰不必樓與臺花
陰林影政徘徊涼颼漸欲開新爽香霧青暉紛
且來此時無客兼無酒脩脩但有影作偶揚睂
豎拂枯松根政在默然與良久彈指商量春復
秋清淑兼挾光氣流此中休妄生悲喜寂莫端
居何所求不禁愴焉念初古黃虞邈矣余心苦
不知無懷葛天人蒼涼對此情如許塞默但聽
勺水菴詩集

十

蛩與鴻雲際籬根何可同性情所迫惡可已短
歌難長思不窮

劉實林大行見枉

豈敢耽丘壑積愆蒙遷斥豈敢忘富貴散才安
廢棄豈敢厭詩書昏昧難彊記園廬十丈蒿畧
似張仲蔚交識滿京華往返無半刺夫子峨眉
秀曰是天下士問君何從來况自人海至門有

萬里客稚老都驚異邨姬滿牆頭入眼見車騎
語次稍及餘宛然如隔世良久頗欵欵氣運與
人事車塵馬足間雙眸炯靜慧癡兒見異人倉
卒敢問字誰知四海人便肯吐肝肺此土真鄙
夫牙齒亦詭悶匪伊閔且詭斗筭政此輩自見
吾子後不敢妄菲棄稍稍理舊業掇拾開昏憤
咳唾餘芬香子父仍追味几席筆研間尚塞空

勺水菴詩集

十一

靈氣所以杜陵叟作詩爲紀異

秋

悲喜果然難自由牢騷再變作悠悠偏人卓犖
良多感老至蕭疎反不愁緬彼空明生我白澹
茲清迥是吾秋朝來扶策東臯望昨日浮雲竟
不畱

東山夕眺仍待月

斜陽坐盡擬將歸霞紫煙青競夕霏無奈煙霞
方冉冉却流冷素澹依依夷猶漸欲開蒼靄掩
抑回看戀翠微政似千呼萬喚出仍將紈扇滯
雙扉

歎

緬焉今往自傍徨柿葉纔紅梧葉黃六藉何緣
酬魯叟兩畫多事惱羲皇雲看嶺嶠朝多變天

勺水菴詩集

十三

對孤筇晚但蒼此物竟將安所寄世間解自有
津梁

有省

丹霞翠壑共相疎寂莫秋根慧欲枯實相向曾
叅月指傾暉寧閱幾居諸水雲泡影誰真幻淵
鏡塵紛定有無昨夜萬緣都寂寂果然只是一
文殊

杜 伯 味

柿子岡

斜陽何處好，在我東山隅。平楚遂如積，浦煙遙。
欲無逐羣雲，自往失侶鴈。相呼賴我坐，良久前。
峯月不孤。

認得訛報遂辱問訊戲作

年來漫釣沁溪魚，赴隴俄傳有鶴書。矜假自應
防屐齒，倉皇家已飭衣。袵便焚芟製荷裳，去蚤

勺水菴詩集

十三

拚青霞白石居，貧鬼吹燈宵唧唧。曰無此事笑
何如。

人日過楊季雨兄蘋閣，招同楊賁聞年兄
作數日集。

鳥喧柳起度芳津，沙淨煙生柔且勻。宛轉溪光
纔十里，參差林閣隱三人。花開卜日招求仲，酒
熟分時問水濱。語默不同同者在，汀洲蘭芷采

爲紉

又

素心一已貴得二便爲多莫逆成三子相思時
一過奇文與疑義快賞共研摩珍重更相勉餘
年能幾何

季雨有詩云沁流原自遠圓折我蘋洲余
愛其語用次句爲詩

勺水菴詩集

古

悠悠千里流圓折此蘋洲遙疊層層岫輕來片
片鷗濤喧人逾靜霜染樹宜秋中有幽人在書
聲常未休

又

春青在何許新柳暨晴波柳色波分半波光人
借多輕黃淨碧外啼鳥帶嵐過如此消衰暮居
諸柰我何

望後再至楊賁聞年兄齋頭招季雨又作
三日飲

嗟君有奇抱歸柰隱蒿萊孝友能為政蓄畬畧
見才味饒玄與白窻有竹兼梅好客頃成癖經
過多所懷

又

出門安所往率爾向君停豈但安眠食兼能任

勺水菴詩集

十五

醉醒節文何簡遠燈火亦幽青落落穉穉裏他
人匪所經

又

盍簪匪一日總角至於今各隱如經約無言相
向深端居難永日交勉易為心素友數晨夕曩
賢所最欽

賁聞齋頭距市不數武

深志

事多不
及

門僻晝常鎖居心淨有原人幽能自遠市雜不
成喧其剪淡更燭都為靜者言桑榆兄弟好各
喜在田園

花月泊園獨坐

羣芳揖讓若相酬人遠心清芳始流本性豈甘
矜作媚無言各爾抱其幽色香在昔胡能假淡
艷居然不代謀恬憺無為玄對好深情涼月但

勺水菴詩集

六

悠悠

又

鳥歸紛向夕月迴見星繁細藥流清氣遙音扣
靜園沉吟懷友集寂莫作琴言抱獨自相媚誰
知我默喧

三月望前大雪

欲暮春光蒸紫煙紛紛繁藥墮尊前纔疑紅雨

飛花地忽釀香雲絳雪天琪樹乍看成冷艷雜
華翻爾作妻妍一彈指頃真如剎宵矣玄工何
可詮

穀雨日雨是日聞布穀

此日芳辰呼曰穀今朝好雨始爲靈不先不後
期如赴隨霧隨煙細不停已見條風初善軟又
教時鳥再丁寧彼蒼悔禍應茲始如信還疑未

勺水菴詩集

七

敢寧

夏首朔白長洲見枉泊園後二日立夏時
芍藥開黃鳥至

春杪仍看兩日餘遙青空綠淨何如乍流清露
桐將引纜綻繁英客到初行散忽聽新弄鳥譚
餘悔有未觀書始知戲譚原非虐花落鶯啼總
不虛

趣

沁潛不赴責聞及不肖言集作此問之

將無有待覺爲煩丘壑良朋寧遽謾玉樹養之
疑作杖藜珠誦已定無言研朱閉閣修玄艸抱
素冥思憇德園豈不登蘋懷所想如余倚策佇
秋原

秋原

澗岩有餘美况復當清秋響漫鴻流渚愁誰歌

勺水菴詩集

六

倚樓翻憐淒緊好日愛蕭條遊自昔懷余美相
思時未休

又

風日何開滌對以澹多心霜原無近矚素渚饒
空音悒悵亦何極沉吟徒至今秋能令人遠又
復使人深

又

何哉風物繫長思夏首仍兼秋杪時氣湛聲華
韶以令霜清水木澹多姿雲英欲墮收爲采鴈
字橫空勦作詩所以枯藤無住着非登山卽水
之涯

虎谷有懷

丘壑將無前日同紛綸氣候生無窮浮雲豈獸
向余白木葉全然爲爾紅霜鴈聲文誰作譜汀

勺水菴詩集

十九

煙近遠難爲容頃來病况向君說雙眼生華耳
昨聾

秋好志喜

秋好臨秋喜欲狂朝餐爽氣暮斜陽溪光是處
濠將濶雲色依然義與皇枕石夢游君子里開
函身到古人鄉升沉氣運原如此往者牢騷祇
自傷

又

秋將熟矣又焉求日日攜書負策游雨在西峯
吹欲到霞寒南浦碧將流耦偕桀溺兼長沮家
似方壺暨祖洲抱膝搢頤無所事聲聲黃鳥過
樓頭

勺水菴

勺水酌不盡渴每愛江河汨汨情無已茫茫流

勺水菴詩集

二十

自波磊塊澆未厭溪壑亦云多七尺須寧幾千
秋柰此何

又

眷茲勺水耳終古飯吾鄉里用烹蔬糲余將灌
紫房三時蠲稷黍百鬼廸蒸嘗世世曾沾漑念
之安可忘

又

石瀨日涓涓家家汲此泉松蘿瞻在昔瓜葛亦
多年香餽同人鬼淵源念後先敬哉桑與梓從
古謂之然

爽閣

無心雲片片忽漫落山椒隨意爲晴雨遲余度
暮朝冲襟相澹漠素髮與飄蕭更種雙松樹淒
涼掛一瓢

勺水菴詩集

二

又

素秋吾好友良覲訂風期爽淨投其分淒嚴矜
自持高雲停後旅遙岫靜相思徙倚長空曲恒
如有所遲

采露

白露何其白峯雲落曉英搥之澆玉樹吾自有
金莖人天歸夜氣物我嗽玄靈德宅神庭裏其

誰抱至精

寡婦行

吁嗟噫嘻寧可死填溝壑肉飼烏與鳶無爲寡
婦寧可死填溝壑肉飼烏與鳶無爲寡婦寧可
死作餒鬼一陌紙錢一杯漿不得酹澆墳上土
無使寡婦復有孤兒孤兒尙自可翁姑爺孃家
萬一可憐孤兒尙與乳哺萬無使寡婦有孤

勺水菴詩集

三

兒又復有孤女無孤兒復無孤女單留寡婦隻
身生生死死遲疾隻身寡婦自作主不幸有兒
不幸又復有女生不可生死不得死生不能生
死不忍死一晝與一夜肝腸千萬迴撫摩孤女
與孤兒淚下如雨哭復不敢哭東鄰與西舍聽
我寡婦哭乃謂有別故孤兒雖自孤後若復餓
與寒抱瓢行乞男兒尙可恥羞與忍苦生作女

兒身先是綺羅堆官長家人與阿孃讐女兒嬌
癡豈能受恥與羞那能更說甘與苦無作寡婦
雞犬無作寡婦鍋匙匕箸筐筥錡釜無作寡婦
奴與婢田土禾稼房廊菜圃可使孤兒孤女先
寡婦病病不生無使寡婦先病病且死使我孤
兒孤女如折翼鳥如喪家狗東鄰西舍笑我寡
婦言言語語吁嗟噫嘻寧可死填溝壑肉飼鳥
與鳶無爲寡婦

勺水菴詩集

三

讀華嚴楞伽經

憶昔曾登太華山至今十載仍錯愕每逢嶮絕
費躊躇柰將軀命徇丘壑沓嶂迴峯幾萬年却
恐今朝向我落陰森右左蔽日月遂是天小壁
面削縣崖千仞不忍視捫葛攀蘿勞捺搨嶮嵌
隙竇鬼斧斲淺者容指淡受脚饒二分半垂在

外雙眼無用手摸索晚來窮臥鍊牛峽恐懼疑
悔兼愧忤中宵俄覺有所聞聽於無聲收廣莫
萬壑千巖安得徧游道亦自有博約明發遽至
洗頭盆二華如卷翻一噓爾時別自有所領匪
窮耳目徒巖嶧從來佳處領其要咏嘆此語足
斟酌登嶽並不敢言佳祛練神明淪精魄頃讀
華巖與楞伽宛若當年陟太華艱深浩渺幽且

勺水菴詩集

廿四

秘希夷恍惚徒嘆嗟每當言思路絕處崖斷峯
縣不可度反觀此身是何物窅然了不知其故
登華尚有峽可存茲者畧無葛可捫少陵一語
堪舉似箭括通天有一門用經解經差自善執
柯伐柯睨尙遠自我一登玉女峯手中但覺多
茲卷

夜讀已自省

希夷無朕向誰尋寂莫文心古至今難字要須
思亦快解人政爾不求深空靈切莫懸相逼滯
義安之姑且任率爾花開泉響處滿天風雨散
疎襟

秋色

伊誰共秋色杖與影爲三鳥倦猶尋侶人佳不
盡簪據梧聽落葉探勝發新函頃愛山泉好泉

勺水菴詩集

廿五

傍卓一菴

又

秋色何其爽幽懷有所期川原淨若爾襟况澹
如茲神遠人難節霜明露尚垂水天同一碧焉
得不相思。

又

何以荅秋色於茲歎且歌晚霞催倦翻淒響擊

後學雜志

不說也 年古意
殘荷懷匪因風劇秋將奈我何美人臨北渚嫋嫋
嫋愴初波

又

落葉蕭蕭別故枝何如春杪落花期幽思緬想
紛無緒慷慨婢媛感在茲纔見山猶青未了回
看雲已白多時避哉方寸羞難理皇問鶯來燕
欲辭

勺水菴詩集

廿六

又

秋色今年好明年恐不如蒼蒼知近遠落落可
親疎哀樂都無故歌思良有餘東臯兼北渚何
地不躊躇

又

秋色今年好明年恐不如峯雲仍自碧衰鬢更
無疎豈特思良友兼之念酒徒酒非容易飲况

復說觀書

游準臺寺同準臺禪師

筍拔俄嗟介我前飛來灑瀕盆孤縣層巖複嶺
奔雙峽狂沸驚瀾靜一卷卓爾高濤稱隱秀羞
爲朋比作連蜷莊嚴自合供調御開士先茲作
衆緣

龍潭

勺水菴詩集

廿七

詎敢蒼茫問厥初珠宮貝闕此中居一杯潛想
通星宿只尺何因洩尾間顯晦皇思靈所在風
雷畧見怒之餘蕙蒸蘭藉徼玄貺恂悅希夷良
起予

石塘白雲洞

長溪泊水交潺湲層雲轉岫泛崇巖川谷徑復
不可度容裔偕雲與間關薄寒中人暎始煜在

冉雲華稠可翳不知羽化者阿誰深鎖雲霞滿
石屋撥雲入屋搜雲根其中乃有靈蛻存灣環
窈窕不敢進噴薄森沉若吐吞元氣淋漓半作
水漱之清冽甘如醴胸懷落落不可名人能餌
之長不死半始英英流層阿泛灩蔥籠相戛摩
俄看繚繞搏羊角迴翔仍復緣文波恍惚沉吟
我良久乃悟非無亦非有不知此雲生於空又

勺水菴詩集

廿八

復非空生谷口我偕我友字子丹其人綽約癯
且寒手斲雲根置懷袖云可鬻熟充朝餐

里選行爲督學袁臨侯作

千秋元氣安所屬權輿無乃歸文章太樸未分
光嶽氣淋漓真宰開玄黃文章要自有元始炳
靈精氣根廉恥古來帝王與聖賢於中升降而
起止所以養氣能知言從來學問自淵源庖羲

諸老至今在吁嗟此道誰能詮叔季流奔難僕
數鼎鍾毫髮縣絲縷公道尙存萬分一畧在里
選與鄉舉三十年前此道存弟子先生各自尊
詎知三十年一變世運江河不可論中間瓌瓌
羞覩綵竿牘紛紜爭客主古今名器真可惜忍
將此物換阿堵

帝遣文章司命來執法人

兼內外臺手握斯文三寸璽瑤光西指風雲開

勺水菴詩集

廿九

辭

閤舊牘煩更補爾時

聖主已心許

無何終爾用其說

君明臣直良千古氣之

所主文在茲後先瞻顧憐幾希
瞻言晉鄙二三子目擊於焉斯
取斯好醜妍媸士自取寂然不
囂如處女何以荆棘與芝蘭
造物無私等化雨汪洋千頃淨
無波悠悠我心舞復歌無鹽媼
母各自怨拂拭將如明鏡何
青青子衿歌且舞鉛

莫銅腥羞與伍作人造士如斯夫往者此道棄
如土使者自視曩何輕奎壁文昌是爾星象緯
河山關氣色文思千載繫欽明氣運文章相表
裏風俗人心更伏倚今之君子不謂然鄙夫持
論終如此參井之間豈無人重瞳老子尙未死
炯炯雙眸照厥里

冬杪望前爽閣眺雪有懷

勺水菴詩集

三

風雲無涯際流覽終靡極玄黃仍未分天地合
爲一聞見安所住泉響妝空寂恍惚若有會轉
盼不可得

又

千古有心人長懷安能已積雪掩柴扉高臥者
誰子有書何足觀塞默念無始羞余真鄙夫濁
醪情所止





